



ს ა ქ ა რ თ ვ ე ლ ო  
თერჯოლის მუნიციპალიტეტის მერია  
G E O R G I A  
TERJOLA MUNICIPALITY CITY HALL



ბრძანება:ბ28. 28240087

თარიღი:08/01/2024

**თერჯოლის მუნიციპალიტეტის დასახლებებში საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში დასაფინანსებელი პროექტების შერჩევის მიზნით სამუშაო ჯგუფის შექმნის შესახებ**

საქართველოს ორგანული კანონის „ადგილობრივი თვითმმართველობის კოდექსი“ -ს 54 ე მუხლის პირველი პუნქტის „ე“ პუნქტის „ე.ე“ ქვეპუნქტის, 61-ე მუხლის მე-3 ნაწილის „ა“ პუნქტის; 85<sup>4</sup> -ე მუხლის პირველი პუნქტის „ბ“ ქვეპუნქტის; საქართველოს ზოგადი ადმინისტრაციული კოდექსის 52-ე და 54 -ე მუხლებისა და საქართველოს მთავრობის 2018 წლის 28 დეკემბრის N654 დადგენილების შესაბამისად

ვ ბ რ ძ ა ნ ე ბ ე:

**მუხლი 1.** თერჯოლის მუნიციპალიტეტის დასახლებებში საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში დასაფინანსებელი პროექტების შერჩევის მიზნით შეიქმნას სამუშაო ჯგუფი შემდეგი შემადგენლობით:

ა) **ზვიადი ბაზაძე**- მერის პირველი მოადგილე, ჯგუფის თავმჯდომარე - უზრუნველყოფს პროცესის საერთო ხელმძღვანელობას და ანგარიშგებას მერთან;

ბ) **მირზა ქოჩიაშვილი**- მერის მოადგილე- ჯგუფის თავმჯდომარის მოადგილე- წევრი- ჯგუფის ხელმძღვანელის არყოფნისას ასრულებს ხელმძღვანელის მოვალეობას;

გ) **ჯემალ ისაკაძე** -თერჯოლის მუნიციპალიტეტის საკრებულოს თავმჯდომარის მოადგილე- ჯგუფის წევრი - უზრუნველყოფს საკრებულოს წევრებთან ურთიერთობას, მათ ინფორმირებასა და საკრებულოს მაჟორიტარი წევრების ჩართვას პროგრამის განხორციელების პროცესში;

დ) **ლაშა ლანჩავა** - ადმინისტრაციული და შესყიდვების სამსახურის უფროსი - ჯგუფის წევრი - ჯგუფის წევრი - უზრუნველყოფს საერთო კრებების/ კონსულტაციების ჩატარების ორგანიზებას, მატერიალურტექნიკური მხარდაჭერის ჩათვლით;

ე) **გიორგი რობაქიძე** - მუნიციპალიტეტის ადმინისტრაციულ ერთეულებში მერის წარმომადგენლებისა და ასისტენტების კოორდინატორი - ჯგუფის წევრი, უზრუნველყოფს ადმინისტრაციულ ერთეულებში მერის წარმომადგენლებთან ურთიერთობასა და მათ ინფორმირებას.

ვ) **გოდერძი თურქაძე** - თერჯოლის მუნიციპალიტეტის მერიის სივრცითი მოწყობის, ინფრასტრუქტურისა და არქიტექტურის სამსახურის პირველადი სტრუქტურული ერთეულის ხელმძღვანელის მ/მ, ჯგუფის წევრი - უზრუნველყოფს საპროექტო წინადადებების წარდგენის პროცესში სამსახურის მიერ მოქალაქეთა კონსულტირებას, საჭიროებისას - მერიის მიერ საპროექტო წინადადებების შემუშავებას, საპროექტო წინადადებების ნუსხის ფორმირებას დასახლებების მიხედვით, შერჩეული საპროექტო წინადადებების განხილვასა და მერისათვის წინადადებების მომზადებას, საკრებულოში წარსადგენი პროექტების საბოლოო ნუსხის პროექტის მომზადებას;

**ზ) ნინო ლილუაშვილი** -საქმისწარმოებისა და ადამიანური რესურსების მართვის განყოფილების პირველი კატეგორიის უფროსი სპეციალისტი- ჯგუფის წევრი- უზრუნველყოფს მუნიციპალიტეტის ვებსაიტზე <https://terjola.gov.ge/> ინფორმაციის პროაქტიულად გამოქვეყნებას, მოსახლეობის ინფორმირებას მუნიციპალიტეტის Facebook გვერდის, ადგილობრივი ბეჭდური და ელექტრონული მედიის მეშვეობით, მერის წარმომადგენლების მხარდაჭერას საინფორმაციო კამპანიის დასახლებებში წარმართვისათვის;

**თ) ავთანდილ ურიადმყოფელი** - საფინანსო-საბიუჯეტო სამსახურის პირველადი სტრუქტურული ერთეულის ხელმძღვანელი- ჯგუფის წევრი- უზრუნველყოფს პროცესის წარმართვისათვის საჭირო თანხების მოზიდვის შესახებ წინადადებების მომზადებას, საპროექტო წინადადებების მუნიციპალიტეტის ბიუჯეტიდან თანადაფინანსების საკითხების განხილვას;

**ი) მარეხი ლილუაშვილი** - თერჯოლის მუნიციპალიტეტის მერიის იურიდიული სამსახურის პირველი კატეგორიის უფროსი სპეციალისტი- ჯგუფის წევრი- უზრუნველყოფს მერის სამართლებრივი აქტების მომზადებას;

**კ)ნათია სახენიძე** - თერჯოლის მუნიციპალიტეტის მერიის იურიდიული სამსახურის უფროსის მ.შ ჯგუფის წევრი- უზრუნველყოფს დასახლების საერთო კრებების კონსულტაციების ჩატარების პროცესში სამართლებრივი კონსულტაციებით მხარდაჭერას;

**ლ) ალექსი ცქიფურიშვილი** - მრჩეველთა საბჭოს წევრი - უზრუნველყოფს მუნიციპალიტეტის მრჩეველთა საბჭოს წევრებთან ურთიერთობას მათი ინფორმირებას, ადგილობრივი სამოქალაქო სექტორის, ბიზნესისა და საზოგადოების წარმომადგენლების ჩართვას პროგრამის განხორციელების პროცესში;

**მუხლი 2.** სოფლის მხარდაჭერის პროგრამით დასახლებებში პროექტების შერჩევის პროცედურების დაწყების შემდეგ სამუშაო ჯგუფი იკრიბება ყოველკვირეულად, საჭიროებისას უფრო ხშირად. სამუშაო ჯგუფის მოწვევას ახდენს სამუშაო ჯგუფის თავმჯდომარე;

**მუხლი 3.** დასახლებებში განსახორციელებელი პროექტებისათვის გამოყოფილი საორიენტაციო თანხის ოდენობის ფარგლებში მოქალაქეებს შეუძლიათ წარმოადგინონ საპროექტო წინადადებები (დანართი N1ის ფორმით) შემდეგი მიმართულებებით:

**ა) სასმელი წყლის სისტემები (მათ შორის, ჭაბურღილები, წყალსადენები, სათავე ნაგებობები, გამწმენდი ნაგებობები, ჭა და ა.შ.);**

**ბ) სარწყავი სისტემები;**

**გ) სანიაღვრე არხები;**

**დ) ნაპირსამაგრი სამუშაოები;**

**ე) გზები და გზისპირა მოსაცდელეები, აგრეთვე ტროტუარები და გზის შემადგენელი სხვა ინფრასტრუქტურა;**

**ვ) ხიდები, ცხაურები, ხიდბოგირები, გადასასვლელები;**

**ზ) გარე განათება;**

**თ) სკოლების მიმდებარე ტერიტორიის კეთილმოწყობა;**

**ი) სკოლამდელი დაწესებულებები და შესაბამისი ინვენტარი;**

**კ) ამბულატორიის შენობები;**

**ლ) სასაფლაოების შემოღობვა და კეთილმოწყობა;**

**მ) სპორტული ინფრასტრუქტურა, მოედნები და მოედნების ინვენტარი;**

ნ) სკვერები, მათ შორის, საბავშვო სკვერები, შესაბამისი ინვენტარით, აგრეთვე სარეკრეაციო სივრცეები და სველი წერტილები, შესაბამისი ინვენტარით;

ო) წისქვილების რეაბილიტაცია და შესაბამისი ინვენტარი;

პ) გეოგრაფიული ობიექტების სახელდებისა და დამისამართების შესაბამისად, შესაბამისი ნიშნების, აგრეთვე ტურისტული ადგილების მიმანიშნებელი ნიშნების განთავსება.

**მუხლი 4.** საერთო კრების სხდომის / კონსულტაციის ჩატარება და მიღებული გადაწყვეტილებები ფორმდება ოქმით დანართი N2 -ის შესაბამისად;

**მუხლი 5.** ბრძანება გამოქვეყნდეს თერჯოლის მუნიციპალიტეტის მერიის ადმინისტრაციულ შენობაში არსებულ საინფორმაციო დაფაზე, აგრეთვე ჩაბარდეს სამუშაო ჯგუფის წევრებსა და თერჯოლის მუნიციპალიტეტის მერის წარმომადგენლებს;

**მუხლი 6.** ბრძანება ძალაში შევიდეს ხელმოწერისთანავე.

**მუხლი 7.** ბრძანება შეიძლება გასაჩივრდეს დაინტერესებული პირის მიერ მისი გაცნობიდან ერთი თვის ვადაში, ზესტაფონის რაიონულ სასამართლოში (ქ. ზესტაფონი, წერეთლის ქ. N7) კანონმდებლობით დადგენილი წესით.

მანუჩარ რობაქიძე

თერჯოლის მუნიციპალიტეტის მერია-მერი

გამოყენებულია კვალიფიციური  
ელექტრონული ხელმოწერა/  
ელექტრონული შტამპი

